

## Universitätsbibliothek Paderborn

**... Pars Difficultatum Propositarum Eximio D. Martino  
Henrico De Swaen in Universitate Lovaniensi S. T. Doctori**

Complectens 1. Justam defensionem adversus Libellum supplicem eximii  
Domini De Swaen, & eruditissimi Domini Melis. 2. Instaurationem priorum  
difficultatum cum Libello supplice Alumnorum Collegii Alticollensis ad  
Exim: suum Præsidem. 3. Æquam & facilem pacis conditionem

**Fontaine, Jacques**

**Coloniæ Agrippinæ, [1692]**

§. 1. Ostenditur ineptum esse discrimen sententiam Jansenii inter & Eximii  
D. Martini etiamsi supponeretur non esse postero consilio ab eo  
excogitatum.

**urn:nbn:de:hbz:466:1-39122**

C A P U T I I .  
 I N S T A U R A T I O  
 D I F F I C U L T A T U M

Nuper propositarum Eximio D.  
 MARTINO HENRICO  
 DE SWAEN, S. T. D,

§. I.

*Ostenditur ineptum esse discrimin  
 sententiam Jansenii inter & Exi  
 mii D. Martini etiamsi suppone  
 retur non esse postero consilio ab eo  
 excogitatum.*

**P**AUCIS me convenisti , Eximie Domine ,  
 sed in hac ipsa rationum paucitate ,  
 verborum nimis prodigis. Epistolam  
 tuam mihi inscriptam vocas *Resolutionum bre  
 vem difficultatum* ; verum si hoc difficultates  
 resolvere est , quid tandem est imperitis im  
 ponere , difficultates subterfugere , declinare  
 responsum , sensum studiosè occultare , æqui  
 vocationibus ludere pueriliter ?      In

In Epistola ad Illustrissimum Sebastenum  
 Thomisticas quasdam locutiones ad obve-  
 landum sensum tuum Jansenianum adhibue-  
 ras , atque *hinc* concludebas *luce Meridiana*  
*clarus ev idere* , quod tu tuique montaltiani ,  
 Alticollenses inquam Alumni , ab omni pe-  
 riculo damnatarum propositionum circà ma-  
 teriam de Gratia & Libero Arbitrio sitis re-  
 motissimi : monui esse inanissimum sophis-  
 ma ; quænam enim argumentandi ratio est ,  
*admitto locutiones Thomistarum aliquas* , ergo *Tho-*  
*mista sum?* Sic facile Hæretici inter Augus-  
 tianos locum invenient . Sic fient omnes Dis-  
 cipuli Spiritus Sancti modò locutiones ali-  
 quot Augustini , & Scripturarum adhibeant ,  
 seque non aliud credere , non aliud docere  
 profiteantur quam quod Augustinus credidit ,  
 non aliud quam quod docuit , non aliud quam  
 quod Spiritus sanctus revelavit ; quasi verò iis-  
 dem vocibus uti quis nequeat sensu longè  
 disparato , vel etiam opposito ? Sic difficulta-  
 tem prosecutus sum : nihil est quoad rem  
 & substantiam in tua fidei professione quod  
 Pseudo-Augustino Cornelii Jansenii princi-  
 piis ac dogmatibus non congruat , addere po-  
 tuissim vix est terminus in tua expositione ,  
 qui Jansenii non sit . Atqui certum est Jan-  
 senium quinque propositionum famosarum  
 reum

reum esse , eas in sensu illius qui in Pseudo-Augustino exprimitur , esse hæreticas , ergo ejusmodi locutiones minimè sufficiunt ut te tuosque Alumnos ad Missionem Hollandicam destinatos à Jansenisini liberes suspicione . Tandem aliquando propositionem primam negare videris dum scribis te gratiam efficacem in *delectatione indeliberata* non constitueret , atque hoc te iam dudum publicis in Thesibus tradidisse . Nescio an Theses tuas omnes naeclus sim , alioquin in colligendis ejusmodi lucubrationibus non planè incurius . Cur Thesim non designasti ? cur diem , mensem , vel annum saltem non indicasti , quo ejusmodi Thesibus hæc tam dilucidè professus es ? plures mecum Thesim illam liberter adiissent exploraturi sententiam tuam , quæ , ni fallor , inter famosos Augustini Discipulos rarissima est , si non prorsus singularis . Sed nolim tibi molestus esse , quidquid sit de præterito , nunc saltem asseris te *gratiam per se efficacem in delectatione indeliberata non collicare* . Gratulor tibi Eximie Domine discrimen saltem aliquod tuam inter & Jansenii doctrinam , atque utinam , qui tam longis passim alienæ sententiæ citationibus verba perdis , & operam , sensum nobis tuum de gratia per se efficaci verbo uno significasses !

secu-

ecuriūs te , modo pauca quædam momen-  
 ti paulò gravioris accesserint , ut sanioris do-  
 ctrinæ Theologum , ut Thomistam , ut pro-  
 bè Catholicam complectemur . Edoce nos  
 nunc saltem , in quo gratia per se efficax à  
 te collocetur , si non in delectatione gra-  
 tiæ indeliberata ? intercà difficultas ma-  
 net in salvanda libertate stante gratiâ tua per  
 se efficaci , nam discrimen illud quod indi-  
 cas , etiam supposito , quod Janseniano more  
 fucum non facias , neque Lectorem simili-  
 cem æquivocatione subdolâ , vel restrictione  
 non deludas , discrimen inquam illud tuum  
 potest esse merè materiale : & , ignosce arca-  
 na mentis tam ingenuè confitenti , merè ma-  
 teriale esse suspicor , minimè Thomisticum ,  
 & ad libertatem salvandam nihil adferens  
 præsidii potius , qnām præstet indeliberata  
 Jansenii delectatio . Quid enim juvat sive  
 statuatur in clarissima mentis illustratione ,  
 sive in delectatione voluntatis , sive in dis-  
 positione quadam mortua ; quam nec intel-  
 lectu percipimus , nec experimur in voluntate ,  
 modò virtutem à voluntate in his circum-  
 stantiis insuperabilem contineat tenentem se  
 ex parte actus primi , ut se tenent vires omnes  
 sive ab extrinseco sive ab intrinseco provenien-  
 tes à quæ libertas interimitur : quid autem refert ,

glas-

gladiione an cultro, fullonis fuste, an mandibula Afini hominem interficias, minusne homicidii reus es? Vim homini intulisti privata autoritate, sine moderamine inculpatæ tritæ innocentem peremisti. Instrumentorum discrimen mere materiale est moralem homicidii speciem non mutans, neque imminuens pravitatem. Temeritatis me redarguis quod dixerim te gratiam efficacem in *delectatione indeliberata* collocare, qui nihil proferre possim ubi quid simile vel per umbram significaveris. Adeo ergo Thesim tuam anni 1687 die 7. Aprilis §. 3. ubi sic statuis: *Supponimus autem hic uti abundè constat ex §. 4. conclusione 1. clariusque patebit ex sequentibus manifestum esse nos bina illa opera, quibus sanctificatio secunda obtinetur nequaquam adscribere viribus naturæ, aut Libero Arbitrio, gratiam possibilitatis ad opera illa exequenda determinanti, sed potius Spiritui sancto Liberum Arbitrium DELECTABILITER ET INSUPERABILITER moventi, simulque Libero Arbitrio taliter à Spiritu sancto moto.* Si Spiritus sanctius operetur in nobis opera salutifera delectabiliter & insuperabiliter, operatur in nobis per delectationem: per hanc nos movet non per se ipsum immediatè & formaliter: delectatio autem illa non est deliberata ut omnibus manifestum est; nam delectatio movens

D

ad

ad consensum, qui est actus deliberatus, debet illo Prior esse & necessariò ab illo distingui. Nihilne simile tradidisti in Thesibus anni 1689. 26 May? Illic reperio §. 26. hanc, ut ait, sinceram mentis tuae interpretationem. Aliud igitur non volui, quam eum cuius Deus misseretur, rectè dici juxta Augustinum à Deo ita congruè vocari, ut vocantem non respuat, quia Deus quempiam exterius vocat, eum interius tam fortiter, SUAVITERQUE AC PROINDE CONGRUE afficit, ut vocantem is minimè respuat, sed liberimè libentissimeque sequatur. Clarius eodem §. Paulò antè: dixeram itaque quod si quis mallet S. Augustinum intelligere, de internâ, aut saltem de externâ internam complectente, ita intelligendus foret, ut ideo censeat hominem à Deo vocari, sicut ille novit ei congruere, quia novit efficaciam vocationis suæ, qua ita fortiter unaque tam SUAVITER in partes suas novit hominem trahere, ut hinc ille vocantem non respuat, sed infallibiliter, liberè tamen vocanti pareat; illinc nihil homini eâ vocatione accidere queat congruentius, NIHIL DELECTABILIUS; sequitur namque vocantem, QUA SEQUI QUAM NON SEQUI LONGE IPSI EST DELECTABILIUS. Suprà dictum est quod Deus hominem moveat delectabiliter & insuperabiliter, nunc autem dicitur homo sequi vocationem quia sequi longè ipsi est delectabilius;

quis

quis aliter locutionem hanc intelligat quam quod ideo sequatur quia divina vocatio, motio seu gratia efficax ipsum magis delectat? Præfertim cum ibidem expresse dicatur quod *nihil ipsa vocatione accidere queat congruentius, nihil delectabilius.* Si vocatione efficaci sive victrici gratia nihil accidere possit congruentius, nihil delectabilius, si ideo homo sequatur gratiam, quia nihil ipsa delectabilius est, an temere collegi gratiam efficacem à te collocari in delectatione eaque indeliberata? nam gratiam non esse actum deliberatum satis certum est. Denique socios, & Majores tuos, quos ubique inclamas, hanc statuisse gratiam efficacem notius est, quam ut probatione egeat, luculentam tamen polliceor, si postulaveris.

Sed neque ulli criminis vertitur, nec propterea in Jansenistis vocatur suspicionem, quod in delectatione gratiae indeliberatâ efficacem gratiam constitutat.